

非平穩守常莫改何以勸人望請自今以後長上祿料勞重處多効輕居少官議商量具如前件謹錄事狀伏聽天裁謹以申聞謹奏

天平勝寶九年八月八日

奉勅依奏

兵衛季祿
授刀舍人季祿

〔令義解祿四〕凡兵衛六月內上日夜各八十以上者給祿有位准大初位無位准少初位授刀舍人亦准此

〔令集解祿二十三〕朱云日夜相須給耳又得考日所亦同也反未明計月者始八月計耳或云問日夜各

八十以上者考所亦習此哉答然也未明在記昔古記云六月內上日夜各一百以上者分番若為得百

以上也答月別節日及會集等日須必參上以此准量云耳除此等日以外亦仕滿耳問夜乘日不足

日乘夜不足通計得不答不合

〔令集解二十三〕釋云天平寶字三年格云授刀舍人兵衛等有位整十口今減二口無位五口今減一口

坊令季祿

〔類聚三代格五〕太政官符

應以坊令准初位官事

右謹案令條左右京職每條置令一人督察所部惟人是憑而任居要籍秩无微俸至于除補競事辭遁

伏望准少初位下官給祿優恤其身令勤職事臣等商量如前伏聽天裁謹以申聞謹奏聞

延曆十七年四月五日

勘解由使季祿

〔類聚三代格五〕太政官符

應增勘解由使官人位階事

長官一員

元從五位官今定從四位下官

次官二員

元正六位官今定從五位下官

判官三員

元正七位官今定從六位下官